



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), člana 5. Odluke o dodjeli sredstava učenicima romske populacije koji redovno pohađaju osnovne škole sa područja Općine Centar Sarajevo i Odluke o pokretanju postupka raspisivanja i provođenja javnog poziva, broj: 13-11-5575/25 od 17.09.2025. godine, Općinski načelnik upućuje

## **JAVNI POZIV za dodjelu sredstava učenicima romske populacije koji redovno pohađaju osnovne škole sa područja Općine Centar Sarajevo**

### **1. OPIS PROGRAMA**

Cilj ovog programa je kroz jednokratnu novčanu podršku motivisati učenike romske populacije na redovno pohađanje nastave, postizanje dobrih rezultata u učenju, nastavak školovanja i sticanje kvalifikacija.

Sredstva koja se dodjeljuju po ovom Javno pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

**PRAVO NA PODRŠKU** mogu ostvariti učenici romske populacije ukoliko:

- a) redovno pohađaju jednu od osnovnih škola sa područja Općine,
- b) su u prethodnoj školskoj godini ostvarili uspjeh od najmanje 2,50,
- c) nisu obnovili školsku godinu.

Sredstva za podršku učenicima romske populacije dodjeljivat će se na osnovu dostavljenih podataka osnovnih škola.

### **2. TRAJANJE JAVNOG POZIVA I NAČIN DOSTAVE PODATAKA**

Javni poziv se objavljuje na web stranici Općine i bit će otvoren 15 dana od dana objave, a elektronskim putem će se dostaviti osnovnim školama.

Škole će prikupljene podatke o učenicima koji ispunjavaju uslove dostaviti službi nadležnoj za obrazovanje (u daljem tekstu: Služba) elektronskim putem, preporučeno putem pošte ili putem protokola Općine Centar.

Uz obrazac škole će dostaviti izjave za svakog učenika, potpisanu od strane roditelja/staratelja da se lični podaci mogu obrađivati i objavljivati u svrhu dodjele sredstava.

### **3. VISINA NOVČANIH SREDSTAVA**

Ukupan iznos sredstava planiranih za ovu namjenu u Budžetu za 2025. godinu iznosi 15.000 KM.

Visina odobrenih sredstava po jednom učeniku koji se može dodijeliti je 100,00 KM, a maksimalan 150,00 KM, zavisno od raspoloživih sredstava i broja učenika.

### **4. OBAVJEŠTAVANJE KANDIDATA I PODNOŠENJE PRIGOVORA**

Sve dostavljene podatke obrađuje Služba i donosi preliminarnu listu.

Na navedenu listu korisnici sredstava mogu uložiti prigovor u roku od 8 dana od dana dostavljanja liste.

Prigovor razmatra komisija koju imenuje Općinski načelnik.

Odluku o prigovoru komisija donosi u roku od 7 dana od dana podnošenja istog.

Konačnu odluku o dodjeli sredstava učenicima romske populacije donosi Općinski načelnik, koja se objavljuje na oglasnoj ploči.

Nakon donošenja Odluke, sredstva će se u formi zaključka isplatiti na račune učenika odnosno njihovih roditelja/staratelja.

## **5. OSTALE INFORMACIJE**

Za sve dodatne informacije zainteresovana lica mogu pozvati broj telefona: 033/562-393 ili uputiti upi na e-mail: obrazovanje@centar.ba.

OPĆINSKI NAČELNIK

**Srđan Mandić**